

Naalakkersuisut siulittaasuut

Landsstyreformanden



Hr. Inatsisartunut ilaasortaq Esmer Bergstrøm  
c/o Landstingets Bureau  
Maani

### § 36, imm. 1 malillugu apeqqummut nr. 2008-115 akissut

Inatsisartut suleriaasianni § 36, imm. 1 naapertorlugu apeqqtinnut matumuuna akissuteqassaanga.

#### Apeqqut:

Aktiaateqarluni ingerlatseqatigiiffiit Namminersornerullutik Oqartussanit pigineqartut taarsigassarsiaat piaartumik akiligassat nutarterneqartussanngorpata naammaginatumik atugassaqartitaaffiunissaat qanoq qularnaarneqarsimava?

#### Akissut:

Naalakkersuisut paasissutissiissutigisinnaavaat taarsigassarsiat pissutsillu taamaaqataat ingerlatseqatigiiffiit namminersornerullutik oqartussanit pigineqartut taarsigassarsisisullu ataasiakkaat akornanni isumaqatigiinniutigineqartartut. Taarsigassarsisarnerit isumaqatigiinniuteqarnikkut pisarput, taamaattumik taarsigassarsiffiusartuni pineqartuni niuernermi periarfissanut, ingerlatseqatigiiffiit aningaasaqarnerisa tutsuiginassusiannut kiisalu aningaasaqarnikkut upalungaarsimanerannut takussutissaallutik.

#### Apeqqut:

Aktiaateqarluni ingerlatseqatigiiffiit Namminersornerullutik Oqartussanit pigineqartut taarsigassarsiaasa piaartumik akiligassat aningaasalersoqqinneqarnissaat pissappat qanoq ilillutik aningaasalersoqqinneqassanersut Naalakkersuisut paasissutissiissutigisinnaanerlugu?

#### Akissut:

Taarsigassarsiat piaartumik akiligassat akiitsoqarnermi pisussaaffinnut piaartumik akiligassanut kaputartuunneqassanngillat (paarlaanneqassanngillat).

Akiitsoqarnermi pisussaaffiit piaartumik akiligassat tassaapput ingerlatseqatigiiffiit akiitsui ukiumi qaninnermi akilernerneqartussat. Allatut oqaatigalugu; ingerlatseqatigiiffik qanittukkat akiligassaanngitsunik akiitsoqarnermi pisussaaffeqalersimappat ukiuni 10-ni atuuttumi akiitsoqarnermi pisussaaffik piaartumik akiligassai aningaasat ukiup ataatsip ingerlanerani akilersorneqassapput.

8. december 2008  
Sags nr.  
2008-013978  
Dok. nr. 119667  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

Ingerlatseqatigiiffiit qanittukkut akiligassanik sunik taarsigassarsisimanersut imaluunniit oqaatigilluaannarlugu tamakku akilerneqareersimanersut akilerneqarsimannginnersulluunniit Naalakkersuisut ilisimasaqarfiginngilaat. Ingerlatseqatigiiffiit namminersornerullutik oqartussanit tamakkiisumik ilaannakortumilluunniit pigisaasa akiitsoqarnermi pisussaaffii tamakkerlugit Naalakkersuisut ilisimavaat. Taakku § 36, imm. 1 naapertorlugu apeqquummut nr. 2008-098 siusinnerusukkut akissuteqaammi taagorneqarput.

**Apeqqut:**

Ingerlatseqatigiiffiit Namminersornerulutik Oqartussanit pigineqartut taarsigassarsiaat qanittukkut akiligassat suut qanorlu amerlatigisut nutaanik taarsigassarsinngikkaluarluni akilerneqarsimanersut Naalakkersuisut paasissutissiissutigisinnaavaat?

**Akissut:**

Apeqquummut qulaaniittumut akissut inussiarnersumik takoqqussavara.

**Apeqqut:**

Tamanna pillugu kingullermik apeqquteqarnerma kingornatigut aamma maanna aningaasarsionnikkut ajornartorneq eqqarsaatigalugu ingerlatseqatigiiffiit Namminersornerullutik Oqartussat pigisaasa taarsigassarsiarisimasaat qanoq inissisimanersut Naalakkersuisut paasissutissiissutigisinnaanerlugu?

**Akissut:**

Paasissutissanik nutaanerusunik Naalakkersuisut pigisaqanngillat. Ingerlatseqatigiiffiit tamakkiisumik ilaannakortumilluunniit Namminersornerullutik Oqartussat pigisaat tamarmik naatsorsuutitut ukiui assigiiaarput Royal Greenland A/S eqqaassanngikkaanni, tassalu imaappoq ingerlatseqatigiiffiit 31/12 2008-mi kukkunersiorneqassasut kingornatigullu naatsorsuutit ukiumoortut ukiup nutaap aallartinnerani ataatsimeersuarnermi tamanut saqqummiunneqassasut.

**Apeqqut:**

Tamanna pillugu kingullermik apeqquteqarnerma kingornatigut ingerlatseqatigiiffiit namminneq aningaasaataat/akiliisinnaassusiat qanoq inissisimanersoq Naalakkersuisut paasissutissiissutigisinnaanerlugu, taamaattoqarsinnaappallu paaserusunnarpoq qanoq pisoqarsimanersoq qinnutigineqarporlu ingerlatseqatigiiffiit ataasiakkaarlugit akissuteqarfigineqassasut?

**Akissut:**

Akissut qulaaniittoq inussiarnersumik takoqqussavara.

**Apeqqut:**

Namminersornerullutik Oqartussat aktiaateqarlutik ingerlatseqatigiiffiutaat nunap karsianiit ikiorserneqarnissaminnik pisariaqalersitsissappata immikkut maleruagassanik sunik Naalakkersuisut maleruagassaqarpat?

**Akissut:**

Ingerlatseqatigiiffiit tamakkiisumik ilaannakortumilluunniit namminersorerullutik oqartussanit pigineqartut akiitsuinut tunngatillugu maleruagassanik Naalakkersuisut aallaaviatigut malitaqarsimanngillat. Naalakkersuisut Nunami namminermi pissutsinut ingerlatseqatigiiffinnullu immikkoortortaq aqputigalugu ingerlatseqatigiiffinnik aningaasarsiornikkut ajornartoorneq aamma ingerlatseqatigiiffiit akiitsorilersimasaat pissutigalugit aningaasaqarnermikkut ajornartorsiorujussualeratarsinnaasut oqaloqatigalugit aallartissimapput. Matuma allannerata nalaani iliuusissat allaasinnaasut Namminersorerullutik Oqartussat atulersinnaasaat nalilersomeqarput.

Inussiarnersumik inulluaqqusillunga

Hans Enoksen